

yn nemen mit deme capitel zcu Mißen vnde daz capitel mit ym, vnde sullen daz selbe gelt vier vnde zwenczig hundirt schog prager muncze wenden un daz goczhus zcu Mißen vnde nergen andirs. Ouch so ist geredt vnde geteidingit, wenne wir den vrogenanten zcins widir gekoufin, mogen daz de[r] egnante herre er Johann byschof zcu Mißen adir sin capitel, ab da nicht byschoffis were, adir sine nachkomelinge daz gelt vier vnde zwenczig hundirt schog prager muncze, vnde die daz selbe gelt furen vndemite riten sullen, sichir geleyten ane arg vor sich vnde vor allen den die durch tun vnde lazzen wollen, in welchem den obgenanten slozzen sie die bezcalunge nemen wollen. Datum anno domini M°.CCC°.LXIX°. in die beati Kyliani.

Aus den Libr. privilegg. march. im K. Haupt-Staatsarchiv zu Dresden XXVI. fol. 78 und XXX. fol. 32.

No. 594. 1369. 13. Juli.

Der Bürgermeister, die Rathslcute und Geschwornen der Stadt Grossenhain versprechen dem B. Johann und seinen Nachfolgern oder im Erledigungsfalle des Bisthums dem Capitel die auf ihre Stadt wiederkäuflich angewiesenen 50 Schock Groschen jährlich zu zahlen. Vgl. No. 593.

Ich Conrad Letschan burgermeister vnd Nickel Ebirhart, Nickel Czorn, Nickel Bruning, Hans Wuluerich, Peter Güntzel, Hinrich Nyming, Hans Krebiß, Nickel Gorigen, Hinrich Budow, Peter Tyczen, Nickel Letschan ratslute vnde gesworne zcum Hayne bekennen uffintlichin in deßim briue, das wir noch anwisonge vnd geheisse der hochgeborenen fursten vnsirn gnedigen hern, hern Friderichs, hern Balthasars vnde hern Wilhelms margrauen zu Missin mit wolbedachtim mütte vnde mit gutten willin habin gelobit vnde globin an deßim vffin brieffe dem erwirdigen ingot-uater vnde hern vnßirn hern hern Johanße bischoue zu Missin vnde sinen nachkomen den bischouen zu Missin vnde seyme capittel zu Missin ap nicht bischoffs were funffezig schog grosschin ierlichs zcinses, halp uff senth Michils tage der nw schirst komit, vnd halp uff sent Walpurgin tag, der dornoch schirst zcukünfftig ist, von vnßer egnantin stadt ewiglichin zeugebin ane allerleye wedersprache vnde rede, vnd doran sal vns nicht hindern weder brant addir missefalßs adir hersnot addir andir keynerley sache, wye man dy mag genennen adder namen habin, sundirn wen der zcinsstag kömet, so sullen wir ym adder seynen nachkōmelingin bischouen zu Missin ader synen capittel zu Missin ap nicht bischoffs were den egnantin czinß gebin gantzlich ane vorzog, also lange biß daß vnßer egnanten hern dy margrauen den zcinsß wederkouffen noch der briue laute, dy sy doruber gegeben haben. Wo wir adder vnsir stadt des nicht teten, tete her adder seyne nochkomelinge bischouen zcu Missin vnde seyn capittil zcu Missin, ap nicht bischoffs were, doruff icht koste mit botin adder mit brieffen, dy sollin wir om adder sinen nachkōmelingen adder synen capittel ap nicht bischoffs were legen vnde wedergebin. Das globin wir om in guttin trawin ane allirleye argelist vnde geuerde, vnde zcu seyner handt vnde zcu seynen nochkomeligen vnde seynes capittels ap nicht bischoffs were zcu Mißen den erbarinn lüten hern Siffride Hanffmuße, hern Lutolde von Stutirheim, hern Günther Caraß vnde hern Michil von Helwigsdorff. Das wir diße vorschrebene globde, rede